

Donnée de F. 5175.

VERITABLE
DECLARATION

FAITE

A V R O Y.

ET A NOS SEIGNEURS
de son Conseil, des riches,
& inestimables

T. HRESORS,
NOUVVELLEMENT
*descouverts dans le Royaume
de France.*

Presentée à sa Majesté par L. B. D. B. S.

La baronne de Beauvoisin



*F 4498
2*

M. D C. XXXII.

26257

(9)

26258

Handwritten marks and ink smudges at the top of the page.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.


Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Faint, mirrored text from the reverse side of the page, appearing as bleed-through.

Handwritten marks and ink smudges at the bottom of the page.



V E R I T A B L E
D E C L A R A T I O N

F A I T E
A V R O Y,
E T A N O S S E I G N E V R S D E
S O N C O N S E I L,

Des riches & inestimables
T H R E S O R S,

*Nouvellement découverts dans le Royaume
de France.*

P Lesieurs voyant au frontispice de ce discours le nom de ma qualité, me iugeront à mesme temps plustost capable de l'œconomie d'une maison, & des delicateesses accoustumées au sexe, que capable de faire percer, & creuser des montagnes, & tres exactement iuger les grands thresors, & benedictions, enfermez & cachez dans icelles: Opinion vrayement pardonnable à ceux qui n'ont leu les Histoires anciennes, où il se void que les femmes ont

esté non seulement tres belliqueuses, vaillâtes
& courageuses aux armes, mais encores tres-
doctes en la Philosophie, & qu'elles ont en-
seigné aux Escholes publiques, parmy les
Grecs & les Romains. Je confesse ing-nuë-
ment la cognoissance des Mines estre tres-
occulte, l'experience tres-difficile, & la pra-
ctique tres-perilleuse, & que pour paruenir à
vne parfaicte cognoissance de toutes les par-
ticularitez necessaires en cét Art, vne lōgue
suinte d'annees est requise, la demeurance de
dessus les lieux, & vne continuelle descente
dedans les Puits, & Canaux des Mines, avec
vn quotidien exercice aux Officines des fon-
tes, separations & espreues: Ce qu'ayant fait
depuis trēte anne'es avec les plus honorables
charges qui soient parmy les Offices de cét
Art, tant du S. Siege Apostolique, de la Sacree
Maie'sté Imperiale, qu'autres grands Princes
Chrestiens. En fin mon inclination, & celle de
mon Mary, portee au seruice du Roy tres-
Chrestien, des Ministres de son Estat, & de
tous ses subiets, nous fit resoudre à le venir
seruir, estant assuree par plusieurs voyages
que i'y auois fait avec mon Mary, que le Ro-
yaume de France estoit plein de tres-bōnes
Mines, & de toutes sortes de Metaux, & Mi-
neraux, où estant arriuee, i'eus l'honneur d'a-
uoir vne Cōmission de Monseigneur le Ma-

S

Mareschal d'Effiat, Sur-intendant General des Finances & des Mines & Minières de France, sous laquelle i'ay voulu à mes propres fraiz & despens m'asseurer des lieux où estoient les Mines, les meilleures, & les plus faciles à ouvrir, & qui apporteroient plus de profit à sa Maiesté: Pour cét effet i'ay voyagé six années cōtinuelles par toutes les Montagnes du Royaume, & dās les lieux où i'ay iugé y pouuoir rencontrer quelque chose, i'ay trouué quantité de bonnes Mines, remplies de Metaux, & de tres-bons & excellēs Minerāux, capables estans bien travailloes, de rendre la Maiesté le plus puissant Monarque de la terre, en Or, en Argent, & en toutes sortes de Metaux & Minerāux: l'en ay tiré de toutes sortes de matieres suffisamēt, qui sont avec moy, Et de toutes est fait les essays en bonne quantité, pour recognoistre le degré de leur bonté, & quelle vtilité en pourroit retirer sa Maiesté, lesquels ont esté portez & monstrez aux Ministres de l'Estat, & à son Conseil, si bien qu'il ne reste plus que de cōmencer les ouuertes, & mettre l'ordre requis à telles entreprises: que ie feray quand il plaira à Mōseigneur le Mareschal; Mais voyant que la Maiesté a esté iusqu'aujourdhuy trōpee par plusieurs personnes qui ont prins des Commissions pour decouuoir lesdites Mines, & s'en sont tres-mal

acquitez, au preiudice de ses suiets & au mespris du Royaume, lequel en estourny avec plus d'abondance qu'autres pays, ie veux faire voir en ce petit Discours, que l'ignorance de ces gens-là a apporté vne grande perte aux Finances de sa Maiesté, soit de la perte du tēps qui ne se recouure iamais, soit de la mauuaise croyance qu'ils ont donnée aux estrangers, & aux suiets, que les Mines de France estoient de peu de valeur, & qu'elles cousteroient beaucoup plus à les traualier qu'elles ne rapporeroient de profit, ce qui est neantmoins tres-faux & digne de punitiō. Mais pour faire voir clairement & ouuertement à vn chacun le maquement de ces gens-là, & le moyen d'éuiter leur finesse & recognoistre leur capacité, i'en diray mes sentiments en ce petit Discours, fondee sur mes experiences.

Plusieurs discourent des Mines, des Metaux & Mineraux qui s'y peuuent trouuer dedans, mais comme les Aueugles iugent des couleurs, par le raport d'autruy, qui n'en ont eu non plus qu'eux la cognoissance, ou par des memoires delaissées de ceux qui n'ont peu paruenir à leur cognoissance, ny ouuerture, & sous ces imaginations se forment des idées Platoniques, & proposent ce qu'ils ne scauroient faire, & ce qu'ils n'ont iamais veu faire, desquelles propositions quelques

7
vnes estans tombées entre mes mains, examinées & recognuës, i'eusse iugé estre coupable de la punition diuine, & des hommes capables en ce mestier, de les laisser courir plus auant sans en mōstrer les defectuositez, puis qu'elles importent au Roy & au public.

Premiere ment leurs propositions font clairement voir & paroistre qu'ils ne parlent que par autruy & par des memoires de personnes mortes, lesquelles n'ōt iamais esté recognuës, ny eu aucunes charges, ny Offices dans nos diuines Fodines, sous quelque Prince de la terre que ce soit, si bien que de les croire ce seroit s'embarquer dans vn long voyage laborieux, & de tres-grande despence sur vne simple planche de fondement, & abuser de l'immense grandeur de sa Majesté, & prodiguer ses finances trop legerement.

Ils parlent des lieux où ils n'ont iamais esté, ils trauersent les entrailles de la terre dans l'imagination de leur esprit, & s'ils ne furent iamais au fond d'vne Mine, qui fait souuent fremir les plus hardis esprits, si vne longue pratique ne les à asseurez, au peril de leur vie à toute heure du iour.

En premier lieu ils disent que dans les montagnes de France il y a d'innumerables thresors, mais qui le leur a dit, ce n'est pas par science qu'ils ayent appris dans les Mines, ny

moins par leurs instruments, nécessaires à telles recherches: car ils ne les ont point, & quãd ils les auroient, ils ne les entendent pas, & par la seule veuë cela ne suffit pas.

En second lieu, ils disent que les Romains dans la splendeur de leur Empire en ont tiré tous les ans quatre millions d'or, sans ce qu'ils tiroient de l'Argent, & d'un nombre infiny des autres Metaux & Mineraux: Comme du Cuiure, de l'Estain, du Pomb, du Fer, & du Fer propre à reduire en Acier, du vif Argent, soit en Cinabre ou autrement, de l'asur, du verd d'asur, du vitriol, de l'allun, de l'ocre, du saffre, de l'Emery, de l'Orpimãt rouge & jaulne, de l'Antimoine, du Bol, de la Calamine, du Talc, du Soulphre, & de toutes sortes de Marcassites, du Marbre de toutes couleurs, du Porphire, de l'Albastre, du Cristal, des Turquois, des Amatistes, des Agates, des Lapis, & autres Mineraux: Mais qui leur a dit, où sont les procès verbaux qu'ils en ont fait deffus les lieux, & les essays qu'ils en ont tiré, en presence de qui, & où sont tant de sortes de mines & Mineraux, que ne les a-on apportées au Conseil de sa Maiesté, ou à Monsieur le Mareschal, ils disent le tenir des Histoires & principalement de Plin, qui a escrit la plus grande partie de son Histoire, sur des memoires, & par ouïr dire comme eux:

Est-ce pas chose digne de risée de faire telles propositions, il falloit auoir veu, obserué, reconnu & experimenté. Et s'ils l'auoient fait, ils auoient dit plusieurs choses sur ce subiect desquelles ils ne parlent point.

Ils disent en troisieme lieu, que les memoires qu'ils en ont leur a appris, mais les particularitez qu'ils rapportent de cete multitude de Montagnes, (si promptement courues) & l'adjoütement des enseignemens qui leur en ont esté donnez, iustificient clairement qu'ils n'en ont aucune pratique, puis qu'ils ne parlent pas dans les termes de l'Art.

Je laisse sous silence, & comme chose inutile leurs discours, pour persuader ce traual & ces belles obiections qui se font à dessein.

Comme aussi ces facilitez de parfaire leur entreprise, me contentant de dire là dessus qu'ils parlent trop generalement, trop legerement, & trop hardiment, d'un fait du tout importât: mais ils ne disent pas le pouuoir faire, & n'en donnent aucunes preuues, qui seroient neantmoins tres vtiles & necessaires pour les faire croire capables d'une sciēce où la pratique & la cognoissance leur defaut. Je les conseille charitablemēt d'aller seruir les Officiers des mines d'Hongrie, à Scheminis, & là faire leur apprentissage dans la Mine du Biber-tollen, qui a huiet cents toises de profondeur.

Il est certain & aduoué de to⁹ ceux qui ont la cognoissance des Mines, qu'il n'y a aucun Metal dans la matrice sans meflange le torogene, estant toujours meflé avec l'omogene: & qui le contredira ie m'offre à le vaincre par demonstration. Je dis donc qu'il ne se treuve que tres rarement du Plomb qu'il ne tienne d'Argent & n'en est iamais treuvé qu'en Pologne, à la mine de Kakaray, duquel les esprouuers aux Officines de Cremis, Scheminis, & Neufol en Hongrie, s'en seruēt pour faire leur essay: aussi il n'y a point de Cuiure qui ne tienne d'Argent, & bien souuent d'Or, & d'Argent: Comme la Mine de Neufol, qui depuis quinze cens ans est traueillée, & rend encores chasque année tous frais faits deux mil Richedales à la Sacrée maiesté Imperialle, comme ie feray voir par les Cedulles de la Châbre dudit Neufol, Signé Rozé Lieutenant du Baron de Beau-Soleil pour la maiesté Imperialle, si biē que ceux qui ignorent le principe des Metaux, leur flux, & separatiō dās le Fourneau du grand Test, perdent vn grand bien, & vendent le fin Or & Argent avec leur Plōb & cuiure, & avec les metaux meflangez, & au lieu de trouuer du profit, ils trouuēt de la perte: Et au contraire ceux qui par vne longue experience sçauent separer Letorogene de l'Omogene, ils trouuent vn grand profit, &

font rapporter de grandes commoditez dans les Finances de leurs Princes.

De ces choses il se peut conclurre que les vrais imitateurs de Nature, ont vn grand advantage à la transmutation des Metaux, cōme en transmuant le fer en acier, l'acier & le fer en cuiure, le cuiure en argent, & l'argēt en or, le plomp en mercure & en estain, & mesme en or & argent, & entient vne medecine vniuerselle pour guarir toutes maladies, par la cognoissance qu'ils ont de leur Mercure vif & de leur soulfhre incombustible: Aussi ceux là font la vraye transmutation, & ceux-cy la seule separation.

Quant à la quantité & qualité des Mines de France, elles sont en grand nombre, & en diuerses Prouinces, comme dans la Prouence, & Dauphiné, dans l'Auuergne, Languedoc, Viuarets, Forest, Vellay, au Maine, Normãdie, Comté de Foix, Monts-Pirenees, en Bretagne haute & basse (où i'ay trouué le Procureur General plustost porté à la ruyne & à la destruction des mines du Roy, & de ses Officiers, qu'à l'augmentation de ses Finances, & vtilité du bien public) dans le Lyonnois & Beaujolois, Comté de Bourgongne, en Chãpaigne & Poictou, Giuaudan, & Bigorre, cōme d'or & d'argēt, de cuiure, d'estain, de plōb, de fer, de mercure, aussi bon que celuy d'Es-

pagne, du Vitriol, mesme du blanc, aussi bon
 que celuy de Hongrie des trois especes d'an-
 timoine, aussi bonnes qu'en Allemagne, du
 soulfre vif, iaune & rouge, du cinabre mi-
 neral, contenant quantité de mercure quan-
 tité de bol, aussi bon que la terre figee, des
 cinq especes d'ocre, de six especes de talc, du
 saffre, & du iayet, en bonne quantité de mar-
 bres, & de toutes couleurs, porphire, & alba-
 stre, du cristal de roche, des emeraudes, ama-
 tites, & agates, de la houille, aussi bonne à bru-
 sler que celle de Liege, des tourbes, aussi bon-
 nes au feu que celles de Hollande. Et de tou-
 tes ces choses i'en ay avec moy, avec les Arz
 rests des Parlemens de France, où i'ay esté, les
 attestations & procez verbaux des Iuges des
 lieux où ie les ay tirez, & devant qui les es-
 preuues ont esté faites: afin de faire voir aux
 Ministres de l'Estat que i'ay procedé en ma
 Commission, methodiquement & religieu-
 sement aux recherches de la France, comme
 i'ay fait dans l'Hongrie, Boëme, Tirolle,
 Saxe, Silesie, Morane, Mascouie, & Italie,
 avec d'autres honorables charges des Princes
 Souuerains, desquels nous auons receus tous
 les honneurs qui se pouuoient esperer, mesme
 que l'Empereur present a fait l'honneur à mon
 mary de le qualifier son Conseiller & Com-
 missaire General des trois Châmbres de Hon-

grie. Le Pape l'a fait General des Mines de tout l'Etat Apostolique. L'Archiduc Leopold, de celles de Tirolle, & de Trente, le Duc de Baviere des Siennes, & le Duc de Neubour de celles de Norgouia & Cleues, ce que ie feray voir quand i'en seray requise. Meantmoins i'entends tous les iours parler dans la Frâce des hommes qui croyent estre tres-capables dans la cognoissance de la Nature, & dans les Lettres humaines, qui ne peuvent croire qu'il y aye des mines, ny que les hommes les puissent trouuer, si ce n'est par la conserance des Demons: mais s'ils auoiēt despensé deux cens mille liures, cōme moy, aux recherches de celles de France, ils changeroient leur proposition à vne ferme & sainte croyance: mais ce n'est pas d'aujourd'huy que l'ignorance est accompagnée de malice, & que le poltron hay le vaillant.

Pour conclusion, ie supplie tous les Ministres de l'Etat & des Finances de se garder de ces gens là, qui demandent de l'argent pour aller chercher les Mines qui n'ont iamais cogneuës, & n'apportent aucuns tesmoignages des Princes & pays où ils ont fait leurs apprentissages, des Mines qu'ils ont descouuertes, ny des ouuiers qui les ont seruis: car ie craindrois que l'argent despensé, leur rapport fust que les Mines cousteroient plus à les ou-

uir qu'elles ne rapporteroient de profit, bien que ie soustiendray tousiours, au peril de ma vie, que ce mal procederoit de leur propre ignorance, & offre de faire voir à mes frais & despens que les Mines de France sont aussi bonnes que celles d'Espagne & d'Hongrie, & plus faciles à travailler, à moins de frais & de peril.

Et quoy que la despense y soit requise, ie m'y soubz mets de rechef, encore qu'inultement, & enseruant fidellemēt la Maicsté, i'aye esté despoüillée d'vne grāde partie de mes biens, bagues, pierreries, instrumens propres à cēt effet, papiers & memoires, or & argent. Mines & Espreuves de tous les lieux cy dessus nommez, par TOUCHE, GRIPPE MINAV, sans iusques à present auoir peu auoir satisfaction, bien que depuis six mois ie sois à la poursuite, avec vne grande despence, & sans consideration du retardement de nostre travail, & avec des incommoditez si grandes que ie n'oserois les exprimer. I'espere en peu de temps mettre soubz la presse vn volume entier de la science & cognoissance des Mines, le moyen de les cognoistre, leurs differances, & les flux propres pour leur fonte, avec l'ordre des poix de fin & d'essay, ensemble l'œconomie des Mines &c. L'ordre de leur Officines (Si Dieu m'en faiēt la grace) & que la France merccos

gnoisse ce que ie suis, le bien & l'vtilité que ie
 luy apporte. Pour la fontaine Minerale de la-
 quelle i'ay promis de parler, continuant en
 l'affection du service du Roy, reuenant du
 voyage de Mets, me seruant par tout, & tou-
 siours de mes Inuentions, pour descouurir &
 recognoistre ce qu'il y à eü en chascun lieu.
 Approchant de Chasteau Thierry, posant le
 Compas Mineral dans la Charniere Astro-
 nomicque pour recognoistre s'il y auoit là
 quelques Mines, ou Mineraux, ie trouua y
 auoir quelques sources d'eaux Mineralles qui
 s'y rendoient, de fait, m'y estant transpor-
 tée, cherchant là dedans le lieu de ce Courât,
 & entree casuellement en l'Hostellerie, dite
 la Fleur de Lys, ie trouuay des Sources: Sur-
 quoy ayant appelé les Officiers de la Iustice,
 les Medecins, & les Apoticquaires de la ville,
 pour voir la preuue de mon experience, & re-
 cognoistre la qualité de ces eaux. Posant de
 rechef le Compas Mineral dans sa charniere
 sur les Sources, & en leur presence, ie leur fist
 voir oculairement (& par Espreuue certaine)
 que ceste Fontaine & vne eau qui est en la
 Maison de la vefue Guiot estoient Mineral-
 les, & tiroient leurs qualitez Medecinalles,
 passant par quelque Mine d'Argent, tenant
 d'Or, & par quelque Mine de fer, où le Vi-
 triol estoit assez abondant, & par consequent

tres propres pour desopiller les abstractions
 du Foye & de la Rate, chasser la Pierre &
 Grauelle des reins, arrester la dissenterie &
 tous flux de sang, & apaiser les grandes altera-
 tions. &c.

Cette descouuerte est vne benediction de
 Dieu, dequoy ie luy en rends graces, & croy
 qu'il n'y a François qui ne soit obligé d'en
 faire autant à mon nom, & le remercier, tant
 de cét eau Medecinalle, que des autres com-
 moditez par moy descouuertes, pour le bien
 general de la France.